

est commendatum ac sigillo ecclesie et nostro et predictorum fratrum de Plote roboratum. Nomina testium qui interfuerunt subter annotantes: Lodewicus de Lewenberch canonicus Magdeburgensis, Wasmodus presbiter de Honhaven, Leonius presbiter de Ilburch, Iohannes monachus et subdiaconus; laici vero: Heinricus de Loztowe, Heidenricus de Burch, Rodolfus et Conradus de Niemeke, Heithenricus de Grabowe, Godefridus de Weddingge, Balduwinus Catus, Thiedolfus, Gozwinus, Godescalcus de Bunen, Thidericus de Luderstorp, Iohannes advocatus ecclesie, Alardus de Sleveniz, Thidericus et Nicolaus de Weddingge, Arnoldus de Trebin, Ekkehardus de Adikersleve, Kirstianus de Aldeweddingge, Iohannes de Honhaven, Iohannes et Conradus de Haldegestorp, Bertoldus de Thiedestorp, Bertrammus de Vehtdorp; villici vero: Boidin de Holwege, Cono de Gusne, Gerungus de Scatberch, Florentius de magno Soden, Wilhelmus de parvo Soden, Albertus de Penekestorp, Iacobus de Ilburch cum suis civibus.

Actum anno domini MCCXX primo, septimo Kalendas Octobris in villa Penekestorp.

Original im Staatsarchiv zu Magdeburg s. r. Kloster-Bergische Stiftung 15.

Magdeburg, (1221), October 23.

73.

Burchard, Burggraf zu Magdeburg, verkauft dem Kloster Berge bei Magdeburg die Advocatie über dasselbe für 460 Mark Silbers.

B[urchardus] dei gracia Magdeburgensis burehgravius universis Christi fidelibus presentem paginam inspecturis. Confitemur et presentibus nostris litteris protestamur, quod super redimenda a nobis advocatia bonorum ecclesie beati Iohannis baptiste in monte Magdeburgensi cum domino abbate ipsius ecclesie convenimus in hunc modum, ut nobis in redemptionem eius det quadringentas sexaginta marcas argenti de quibus iam nobis centum sexaginta persolvit. Solvet autem in die beati Andree proximo nunc venturo quinquaginta marcas vel die proximo tunc sequente, in festo Epiphanie proximo post venturo vel proximo die sequenti centum marcas, in festo purificationis proximo secuturo vel sequenti die proxima quinquaginta marcas, octo diebus ante festum beate Walburgis proximo tunc venturum septuaginta quinque marcas, quia de centum marcis illo die vel proximo die solvendis viginti quinque marcas assignavimus pro nobis ad eundem terminum persolvendas, de quibus nos liberavit apud eum cui fuerant assignate. Erit autem pecunia que adhuc solvenda est huius puritatis, ut argento illo quod lodich dicitur minus pura sit sex valore nummorum. Solvetur autem hec pecunia ad pondus Magdeburgense in civitate Magdeburch domino Thiderico de Scherembeke canonico maioris ecclesie vel Thiderico dapifero nostro. Quod si nos mori contigerit ante solutionem factam, fiet solutio heredibus nostris ut nobis. Et nos quidem resignavimus advocatiam ipsam in manus domini nostri archiepiscopi, qui